

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo trgovine, turizma i saobraćaja

Broj: 05/1-18-013331-3/24
Tuzla, 26.08.2024. godine

Na osnovu člana 23. Zakona o ministarstvima i drugim organima uprave Tuzlanskog kantona- prečišćeni tekst („Službene novine Tuzlanskog kantona“, broj 10/18) i člana 9. stav (5) Odluke Vlade o utvrđivanju uslova i kriterija, načinu i postupku raspodjele novčanih sredstava za kapitalne transfere u oblasti turizma - projekti iz oblasti poslovne turističke infrastrukture i jačanje konkurentnosti poslovnih subjekata iz oblasti hotelijerstva i ugostiteljstva na području Tuzlanskog kantona broj 02/1-18-10820/24 od 14.05.2024.godine, ministar trgovine, turizma i saobraćaja, d o n o s i:

ODLUKU

o utvrđivanju konačne liste projekata koji će biti sufinansirani od strane Ministarstva u okviru raspodjele novčanih sredstava za kapitalne transfere u oblasti turizma

I

Odobrava se isplata finansijskih sredstava u iznosu od 86.043,00 KM (slovima: osamdesetšesthiljada četrdesettri i 00/100 KM) na ime kapitalnih transfere u oblasti turizma na području Tuzlanskog kantona za 2024.godinu, korisnicima sredstava čiji su projekti odobreni po Javnom pozivu za podnošenje prijave za dodjelu bespovratnih sredstava za kapitalne transfere u oblasti turizma- projekti iz oblasti poslovne turističke infrastrukture i jačanje konkurentnosti poslovnih subjekata iz oblasti hotelijerstva i ugostiteljstva na području Tuzlanskog kantona za 2024. godinu broj 05/1-18-013331-24 od 20.05.2024.godine, koji je objavljen na web stranici Vlade Tuzlanskog kantona i Ministarstva trgovine, turizma i saobraćaja Tuzlanskog kantona dana 20.05.2024. godine, kako slijedi:

| | NAZIV PRIVREDNOG SUBJEKTA | ADRESA | OPĆINA | NAZIV PROJEKTA | IZNOS SUFINANSIRANJA |
|----------------|----------------------------------|----------------------------|---------------|---|-----------------------------|
| 1 | EM ONIX | Prokosovići bb | LUKAVAC | “Od uštede do ukusne hrane” | 14.010,75 KM |
| 2 | PAPRIKA GROUP doo | 25 Novembar bb | ŽIVINICE | “Ljetna bašta” | 28.548,00 KM |
| 3 | MILO SELO doo | Milino selo bb | LUKAVAC | Proširenje kapaciteta restorana “Kuća sira” | 30.000,00 KM |
| 4 | MIX MAESTRO doo | 18 Hrvatske brigade br. 28 | TUZLA | Uređenje i opremanje bašte | 13.484,25 KM |
| UKUPNO: | | | | | 86.043,00 KM |

II

Sredstva iz člana I ove Odluke izdvojit će se sa potrošačke jedinice 22010001 - Ministarstvo trgovine, turizma i saobraćaja Tuzlanskog kantona, ekonomski kod 615500, subanalitika MAE401, funkcija 0473- pomoć privrednim subjektima u oblasti turizma i ugostiteljstva, kapitalni transferi privatnim preduzećima i poduzetnicima.

III

Za realizaciju ove odluke zadužuje se Služba trezora Ministarstva finansija, koja će odobrena sredstva iz člana I ove Odluke prebaciti na račun korisnika sredstava.

IV

- (1) Međusobna prava i obaveze između Ministarstva trgovine, turizma i saobraćaja Tuzlanskog kantona i korisnika sredstava bit će regulisani posebnim ugovorom.
- (2) U roku od 15 dana od dana donošenja ove Odluke, Ministarstvo će zaključiti ugovore sa aplikantima kojima su odobrena sredstva, kojim će regulisati međusobna prava, obaveze i odgovornosti.
- (3) Prilikom potpisivanja ugovora aplikanti su dužni dostaviti karton deponovanih potpisa od banke sa kojom imaju potpisan ugovor.

V

Odluka stupa na snagu danom donošenja i bit će objavljena na web stranici Vlade Tuzlanskog kantona i Ministarstva trgovine, turizma i saobraćaja Tuzlanskog kantona.

Dostaviti:

1 x Web stranica Vlade TK

1 x a/a *g.s.*



MINISTAR

Denis Bećirović

OBRAZLOŽENJE

Članom 23. Zakona o ministarstvima i drugim organima uprave Tuzlanskog kantona- prečišćeni tekst („Službene novine Tuzlanskog kantona“, broj 10/18) regulisan je način rukovođenja ministarstvom.

Odlukom Vlade Tuzlanskog kantona o utvrđivanju uslova i kriterija, načinu i postupku raspodjele novčanih sredstava za kapitalne transfere u oblasti turizma - projekti iz oblasti poslovne turističke infrastrukture i jačanje konkurentnosti poslovnih subjekata iz oblasti hotelijerstva i ugostiteljstva na području Tuzlanskog kantona broj 02/1-18-10820/24 od 14.05.2024.godine, utvrđeni su uslovi, kriteriji, način i postupak dodjele sredstava za sufinansiranje projekata na ime kapitalnih transfera u turizmu za područje Tuzlanskog kantona za 2024.godinu u iznosu od 250.000,00 KM.

Na osnovu navedene Odluke Vlade, Ministarstvo trgovine, turizma i saobraćaja je raspisalo Javni poziv za podnošenje prijave za dodjelu bespovratnih sredstava za kapitalne transfere u oblasti turizma-projekti iz oblasti poslovne turističke infrastrukture i jačanje konkurentnosti poslovnih subjekata iz oblasti hotelijerstva i ugostiteljstva na području Tuzlanskog kantona za 2024. godinu broj 05/1-18-013331-24 od 20.05.2024.godine, koji je objavljen na web stranici Vlade Tuzlanskog kantona i Ministarstva trgovine, turizma i saobraćaja Tuzlanskog kantona dana 20.05.2024. godine

Postupajući u skladu sa članom 7. Odluke Vlade Tuzlanskog kantona, Ministar trgovine, turizma i saobraćaja je donio Rješenje, broj 05/1-30-020709/24 od 24.06.2024. godine, kojim je imenovana Komisija za odabir projekata iz Programa sufinansiranja projekata iz oblasti poslovne turističke infrastrukture i jačanja konkurentnosti poslovnih subjekata iz oblasti hotelijerstva i ugostiteljstva Tuzlanskog kantona, sa zadatkom da razmotri prijave po Javnom pozivu, utvrdi da li su ispunjeni kriteriji utvrđeni Odlukom, izvrši bodovanje i sačini preliminarnu listu odabranih projekata sa nazivom privrednog subjekta, nazivom projekta i visinom sredstava za sufinansiranje i projekata koji nisu prihvaćeni sa navedenim razlozima neprihvatanja predloženih projekata, te isti da objavi na web stranicu Vlade i Ministarstva trgovine, turizma i saobraćaja Tuzlanskog kantona, te da nakon isteka roka za prigovor od 5 dana sačini prijedlog Odluke o utvrđivanju konačne liste o odobravanju finansijskih sredstava korisnicima sa iznosima i namjenom.

Nakon što je Komisija izvršila sve zadatke utvrđene Rješenjem o imenovanju Komisije, sačinjena je Preliminarna lista projekata po Javnom pozivu i ista je objavljena dana 02.08.2024.godine, a aplikanti su imali pravo da u roku od pet dana od dana objavljivanja Preliminarne liste, Ministarstvu dostave prigovore na objavljenu listu.

Na objavljenu preliminarnu listu tri aplikanta (doo MIX MAESTRO Tuzla, doo BARISTA Tuzla i konoba „La Tavernetta“ Gradačac) su izjavili prigovor na listu i razloge odbijanja prijave. Odlukom Ministra broj 05/1-11-20317-1/24 od 14.08.2024.godine prigovor doo MIX MAESTRO Tuzla je prihvaćen kao osnovan, te je prijava ovog aplikanta vrednovana i uvrštena u listu za odobravanje sredstava, dok su odlukama broj 05/1-11-020486-1/24 od 20.08.2024.godine i 05/1-11-020353-1/24 od 14.08.2024.godine prigovori odbačeni, doo BARISTA Tuzla kao neblagovremen, a prigovor konobe „La Tavernetta“ Gradačac kao neosnovan.

Nakon provedenih procedura Ministar donosi Odluku o utvrđivanju konačne lista o odobravanju finansijskih sredstava korisnicima sa iznosima i namjenom i ista će biti objavljena na web stranici Vlade i Ministarstva trgovine, turizma i saobraćaja Tuzlanskog kantona.

Ministarstvo trgovine, turizma i saobraćaja TK